

րերին 'ի Հայս զսահմանս ժողովոյն Քաղկեդոնի , այլ նորա ոչ ընկալան զնա :

### Գ Լ Ո Ի Խ Ժ Ս .

Վ անօրայք Հայոց յԵրուսաղէմ : Անաստաս Վարդապետ :  
Հոյ Հոռովք :

ԿԱՐԳԵՍՅՈՒՎ աստանօր ըստ կանխադոյն խոստման մերոյ՝ զեկեղեցիս և զմենաստանս , որք կանգնեցան յԵրուսաղէմ 'ի զանազան ժամանակս 'ի Թադաւորէն Տրդատայ , 'ի Հայրապետաց եւ 'ի Նախարարաց ազգիս : զի առ Չերմեռանդ փափաքանաց բազմութեան Ուխտաւորաց յաճախելոց անդր 'ի դէպ խկէր բազմացուցանել զեկեղեցիս և զմենաստանս 'ի Պաղեստին ըստ զանազան ցեղիցն 'ի դիւրութիւն նոցին . ուր էին բազմութիւն Կրօնաւորաց Հոգեւոր տեսչաւ նոցին , սահմանեալ 'ի պէտս նոցա զիւզս և ագարակս , որոյ շահեկան արդիւնքն առաքէին ամ ըստ ամէ յԵրուսաղէմ 'ի հաստատութիւն վանօրէից և եկեղեցեաց : Սակայն այս բարեկարգութիւն ոչ տեւեաց ընդ երկար , զի բաց 'ի Քաղկեդոնի ժողովոյն յորում հալածանս կրեցին վանականք Հայոց , աւերեցանաւ աշխարհն Հայոց յերեսաց հինից և ասպատակաց , և պակասեցան թոշակք նոցին : Դիցուք արդ զոր աւանդէ Անաստաս վարդապետ ոմն , և 'ի ստորեւ (1) նոցին 'ի կարգի ծանօթութեանց թուանշանօք զբանս Մովսիսի Կաղանկայտուացոյ , զոր յանուն Ազվանից վերագրէ . և նշանակեսցուք զտեղիս ոմանց վանօրէից , որք այժմ յայտնի երեւին :

Տեառն Անաստասայ բարեշնորհ վարդապետի գրեալ յայտարարութիւնս 'ի խնդրոյ բարեպաշտ իշխանին Համազասպայ Կամսարականի Պալէստինոյ , որ կամէր գնալ յԵրուսաղէմ :

(1) Վ անս այնց որ յԵրուսաղէմ են շինեալ Ազվանից անուն , զոր յերանեւելոյն Անաստասայ առ Վահրամ Մամիկոնեան ուսաք , այս են : Պատ . Մով . Կաղանկայ . Գ . Ե . Ս . Երեւ 425 :